

REGIONALNI STAMBENI PROGRAM-RSP

Broj: 04-36-1-134-8710/13
Datum: 05.10.2018. godine

Na osnovu člana 70. stav (1) i (4) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8294-1/13 od 15.01.2018. godine, a na Preporuku Komisije za javne nabavke, imenovane Rješenjem, broj: 04-36-1-134-8650-2/13 od 25.09.2018. godine, Projekt Menadžer **d o n o s i**

O D L U K U
O PONIŠTENJU POSTUPKA JAVNE NABAVKE -
izvođenje građevinskih radova na rekonstrukciji/izgradnji 34 stambene jedinice u općinama:
Bosanska Krupa (12 st.jedinica), Cazin (9 st.jedinica) i Ključ (13 st.jedinica),
u okviru Regionalnog stambenog projekta - RSP
BiH4 Pod-projekta, 08/17-RSP-BiH4

PONOVLJENI POSTUPAK
LOT 4

I

Poništava se postupak javne nabavke za izvođenje građevinskih radova na rekonstrukciji/izgradnji 34 stambene jedinice u općinama: Bosanska Krupa (12 st.jedinica), Cazin (9 st.jedinica) i Ključ (13 st.jedinica), u okviru Regionalnog stambenog projekta – RSP, jer nije dostavljena nijedna ponuda u određenom krajnjem roku za dostavu istih, u skladu sa članom 69. stav (2) tačka a) Zakona.

II

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 04-36-1-134-8650/13 od 03.09.2018. godine. Javna nabavka provedena je putem otvorenog postupka. Ukupna procijenjena vrijednost nabavke iznosila je 1.010.773,00 KM i predviđena je Planom javnih nabavki za 2018. godinu u okviru Regionalnog stambenog programa, pod rednim brojem 08/17-RSP-BiH4 Pod - projekat. Obavijest o nabavci, broj: 668-1-3-56-3-61/18 poslana je na objavu 05.09.2018. godine, te je

zajedno sa tenderskom dokumentacijom istog dana objavljena na portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 61/18.

U predmetnom postupku nabavke nije dostavljena nijedna ponuda u određenom roku za dostavu istih.

Komisija za javne nabavke, imenovana Rješenjem, broj: 04-36-1-134-8650-2/13 od 25.09.2018. godine dostavila je Projekt menadžeru Zapisnik sa otvaranja ponuda, broj: 04-36-1-134-8700/13 od 26.09.2018. godine zajedno sa Preporukom da se donese Odluka o poništenju postupka, za predmetnu nabavku.

S obzirom na to da nije dostavljena nijedna ponuda ispunjeni su uslovi za poništenje predmetnog postupka nabavke, u skladu sa članom 69. stav (2) tačka a) Zakona.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:


Protiv ove Odluke, može se izjaviti žalba Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

- Web stranica Ministarstva
- Grupa poslova za javne nabavke
- a/a



PO OVLAŠTENJU MINISTRA



Projekt menadžer

MA dipl.ing.arh. Azra Smječanin